



Beste Tjokkie-ouer

Na aanleiding van die Begrotingsvergadering wat op 13 November 2023 gehou is, gee ons die volgende belangrike inligting aan u deur.

1. SKOOLGELD 2024

Die Beheerliggaam het tydens 'n vergadering wat op 13 November 2023 gehou is, die begroting aan die ouers voorgelê. Na deeglike bespreking het die ouers wat teenwoordig was die begroting en die voorgestelde skoolgeld, eenparig aanvaar en goedgekeur.

As 'n vergunning kan u die skoolgeld as volg betaal:

EENMALIGE BETALING VAN SKOOLFONDS	
(voor 1 Maart 2024)	
Een paaiement	R16 700 (R1 560 korting)
Nasorgsentrum-gelde per jaar	R5 500

BETALING PER DEBIETORDER	
(Tydperk: Februarie – Desember)	
Skoolfonds per maand (oor 11 maande)	R1 530
Nasorgsentrum-gelde per maand (oor 11 maande)	R500
Skoolfonds + Nasorgsentrum-gelde per maand	R2 030

INDIEN U OP ENIGE ANDER WYSE BETAAL

(Tydperk: Februarie – Desember)

Skoolfonds per maand	R1 660 (Totaal R18 260 per jaar)
Nasorgsentrum-gelde per maand	R500
Tweede kind	R1 660
Derde en meer kinders	R800
Nasorgsentrum-gelde per kwartaal	R1 375

BANKBESONDERHEDE

Die skool se bankbesonderhede is as volg:

Rekeningnaam: Universitas Primêre Skool

Bank: ABSA

Takkode: 632005

Rekeningnommer: 1570670200

Verwysing: **Vir skoolgeld/ Nasorgsentrum-gelde:** U kind se skoolrekening verwysingsnommer (kontak asb. Finansiële kantoor indien u nie seker is van die nommer nie).
Let wel: Hierdie is nie die leerder se toelatingsnommer nie.

Vir ander gelde: Kyk op betrokke brief watter verwysing moet gebruik word

DEBIETORDERVORMS

- **Bestaande debietorders bly geldig en u hoef nie nuwe vorms vir 2024 te voltooi nie. Die aanpassing sal outomaties gedoen word. Lig asb. die finansiële kantoor (daleen@tjokkies.co.za) in voor 19 Januarie 2024 indien u debietorder aangepas word wanneer boeties/ sussies weg is of nuwe boetie/ sussie moet by gesit word of indien u bankbesonderhede verander het.**
- **Nuwe ouers wat nie verlede jaar in Tjokkies was nie en wat per debietorder wil betaal moet 'n debietordervorm invul en nie later as Vrydag 19 Januarie 2024 epos na daleen@tjokkies.co.za, sodat dit nog betyds by die bank kan deurgaan. Debietordervorms is op die webblad beskikbaar.**
- **Alle ouers wat nog nie per debietorder betaal nie, word aangemoedig om die opsie te oorweeg, daarom die korting van R130 per maand of R1 430 per jaar.**
- **Debietorders hou vir die skool die voordeel in dat skoolgeld stiptelik en op 'n gereelde basis oorbetal word, en dit vergemaklik ons administrasie geweldig. Verder help dit ons om ons maandelikse verpligtinge stiptelik na te kom.**
- **Volle skoolfonds sal op rekeninge gehef word waar debietorders onbetaald is.**
- **Dit is ouers se verantwoordelikheid om die finansiële kantoor in te lig indien bankbesonderhede vir debietorders verander het.**

ANDER BELANGRIKE SAKE:

- Indien enige paalement nie gemaak of suksesvol deur die bank betaal is nie, is die totale uitstaande skoolgeld onmiddellik betaalbaar. Indien 'n debietorder nie deurgaan nie sal u vir die ekstra administratiewe koste (R130/ kind) aanspreeklik gehou word.
- Skoolgeld is vooruit betaalbaar voor of op die 7^{de} van elke maand.
- Vir ouers wat op die 15^{de} salaris ontvang, is die keerdatum die 20^{ste} van die maand. **Dit is egter belangrik dat u ons finansiële beampte hiervan in kennis sal stel en die nodige reëling maak.**

- Alhoewel skoolgeld verpligtend en afdwingbaar is, maak die Skolewet voorsiening vir korting of kwytskelding. Ouers wat nie skoolgeld kan bekostig nie, kan ooreenkomstig die Skolewet aansoek om korting of kwytskelding doen. Aansoekvorms is via epos vanaf **19 Januarie 2024** by me Beulah du Plessis (beulah@tjokkies.co.za) beskikbaar en moet voor of op **5 Februarie 2024** elektronies terug gestuur word. Aansoeke wat laat is of waarby nie die nodige bewyse aangeheg is nie, sal nie in aanmerking geneem kan word nie. Ouers kan wel egter later in die jaar aansoek doen vir korting indien u finansiële posisie negatief verander het.
- **Ouers moet elke jaar heraansoek doen vir korting of kwytskelding, aangesien u omstandighede kon verander het.**
- **Die Regulasies vir korting of vrystelling van skoolgeld, wat deur alle ouers voltooi moet word, word saam met die eerste nuusbrief in 2024 aan u gestuur.**
- Die begroting en 'n uittreksel van die Skolewet rakende korting is by die skool beskikbaar sou u belangstel om insae daarin te hê.

2. KONTANTVRYE SKOOL (Veral nuwe ouers moet kennis neem)

Die hantering van groot bedrae kontant skep 'n veiligheidsrisiko, vir kinders en personeel, en derhalwe het die Beheerliggaam reeds jare gelede tydens 'n begrotingsvergadering besluit om 'n kontantvrye skool te word. Baie dankie dat u hierdie reëling respekteer.

Hoe nou gemaak?


- Die maklikste is om 'n debietorder te reël. Indien u nie per debietorder wil/kan betaal nie, is daar heelwat ander wyses van betaling soos bv.
 - ✓ Internetbetaling
 - ✓ Kitsbank oorbetalings
 - ✓ Bankdeposito
- In die geval van 'n kitsbank moet u eenmalig met u bank reël om die skool as begunstigde te koppel. Die oorplasing van geld is so maklik soos enige ander kitsbanktransaksie.
- **Dit is ook belangrik dat u in al bogenoende opsies u kind(ers) se name en skoolrekening verwysingsnommer vermeld, sodat dit op die skool se bankstate verskyn. Skakel die finansiële kantoor vir u kind se verwysingsnommer.**

- Ander vrywillige nie-kurrikulumgelde soos Nasorgsentrum-gelde en toergeld moet ook by wyse van bogenoemde opsies betaal word. Indien ons nie die gelde ontvang nie sal die dienste nie kan voortgaan nie.
- **U kan ook reël dat Nasorgsentrum-gelde saam met die skoolgeld per debietorder afgetrek word. Gelde vir die nasorgsentrum is R1 375 per kwartaal vooruitbetaalbaar. Indien u dit oor elf maande saam met skoolgeld per debietorder betaal is dit R500 pm ekstra. Maak asb. seker dat die Nasorgsentrum se gelde wel ingesluit is by die debietorder – 'n nuwe debietordervorm moet aan die finansiële kantoor gestuur word indien Nasorgsentrum-gelde nie vantevore ingesluit was nie.**
- Vanaf 2024 sal daar by uitsondering leerders vir enkele dae van die week by die Nasorgsentrum toegelaat word teen 'n bedrag van R50.00 per dag. Toestemming sal egter verkry moet word by die sentrumbestuurder. Die betrokke klasonderwyser sal ook deeglik daarvan ingelig moet word. Spesiale aansoekvorms sal vroeg in 2024 daarvoor beskikbaar gestel word.
- Klein bedrae soos foto-, uitstappiegeld, ens. sal op Karri gelaai word.

Die bestuur van die skool bedank u vir die jaar se ondersteuning en wens u 'n voorspoedige en geseënde 2024 toe.



.....
MNR JN KRIEL
Voorsitter vd Beheerliggaam



.....
MNR SJ KRUGER
Voorsitter v d Finansiële komitee